

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 04.12.2017թ. թիվ 1707223530 որոշումն անփոփոխ, իսկ վարչական բողոքն առանց բավարարման թողնելու մասին

<<12>> 02 2018թ. 17-4-5402-18/2 Կ-1757

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Հարություն Հարությունյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Պ.Սևակի փողոցի 8/1 շենքի 20 բնակարանի բնակիչ Հարություն Հարությունյանը դիմումով խնդրել է վերանայել Ճանապարհային ոստիկանության վարչական տույժ նշանակելու մասին 04.12.2017թ. թիվ 1707223530 որոշումը՝ նշելով, որ տեսանյութում առկա չէ որևէ ճանապարհային նշան և գծանշումներ: Պահանջը չբավարարելու դեպքում դիմումատուն խնդրել է որոշմամբ նշանակված տուգանքի գումարի վճարումը տարաժամկետով 6 ամսով:

Դիմումի քննարկման արդյունքում պարզվել է, որ դիմումատուի փաստարկը վարչական ակտը բեկանելու հիմք չի կարող հանդիսանալ հետևյալ պատճառաբանությամբ.

ՀՀ ոստիկանության ճանապարհային ոստիկանության ճանապարհային երթևեկության կազմակերպման հսկողության բաժնի կողմից տրված տեղեկանքի համաձայն՝ Երևան քաղաքի Ազատության - Նաիրի Զարյան - Ա.Տիգրանյան խաչմերուկում՝ մասնավորապես Ն.Զարյան փողոցում 5.16, 3.1, 1.21, 2.4 և 4.1.2 ճանապարհային նշանները տեղադրվել են 2017թ-ի սեպտեմբերի 26-ին, ինչպես նաև գծանշվել է անվտանգության կղզյակ, կատարվել են համապատասխան գծանշումներ և տեղադրվել է 3.20՝ <<Վազանցն արգելվում է ճանապարհային նշանը:

Ճանապարհային ոստիկանության 04.12.2017թ. թիվ 1707223530 որոշման հիմքում դրված իրավախախտումն ամրագրած տեսանյութը հստակ փաստում է դիմումատուի կողմից 10.11.2017թ. ժամը՝ 16:40-ին Երևան քաղաքի Ազատության - Նաիրի Զարյան - Ա.Տիգրանյան փողոցների խաչմերուկի հատվածում հանդիպակաց երթևեկության գոտով երթևեկելու փաստը, այսպիսով ակնհայտ է, որ դիմումատուն կատարել է վարչական իրավախախտում, որը նախատեսված է Վարչական իրավախախտումների վերաբերյալ ՀՀ օրենսգրքի 124-րդ հոդվածի 18-րդ մասով, հետևաբար իրավախախտման փաստով կայացված վարչական տույժ նշանակելու մասին 04.12.2017թ. թիվ 1707223530 որոշումն իրավաչափ է և այն բեկանելու որևէ հիմք առկա չէ:

Միաժամանակ, նկատի ունենալով, որ դիմումատուն Վարչական իրավախախտումների վերաբերյալ ՀՀ օրենսգրքի 305-րդ հոդվածի 2-րդ մասով սահմանված ժամկետում դիմել է տուգանքի գումարի վճարումը տարաժամկետելու խնդրանքով, ուստի այն ենթակա է բավարարման:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 04.12.2017թ. թիվ 1707223530 որոշումը թողնել անփոփոխ, իսկ վարչական բողոքն առանց բավարարման:
2. Ճանապարհային ոստիկանության վարչական տույժ նշանակելու մասին 04.12.2017թ. թիվ 1707223530 որոշմամբ նշանակված տուգանքի գումարի վճարումը տարաժամկետով 6 ամսով:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
4. Սույն որոշման օրինակն ուղարկել Հարություն Հարությունյանին և ՃՈ ՏՄՀԽԱՎ կենտրոն:

